

建寧府志卷之三十九

人物

方伎

宋

艾淑字景孟建安人早遊太學善畫龍與陳所翁同舍時稱二妙後仕爲寧海軍節度判官
張孝綽浦城人覺之子再舉進士不第遁舒州潯山詩酒自樂號潯山叟書法出入顏柳人共稱之

建寧府志

卷之三十九

方伎

一

一百五十一

章友直浦城人少年卓犖不羈通相術知音樂書畫弈棋皆有名族人得象爲相欲奏以官不起
皇祐中太學篆石經有言友直善篆召之石經成除試將作監主簿不就

徐復字復之浦城人初舉進士不偶退而學易通流衍卦氣法自筮知無祿遂遊學淮浙間益通陰陽天文地理占射諸家之說尤精音律嘗從林洪範說詩有得因以聲氣求樂之本皇祐中帝留意大樂召知樂之士會大臣薦胡瑗作鐘

磬大變古法復咲曰聖人寓噐以聲不求其聲而更其噐可乎慶曆間范仲淹過潤州見復問曰今以行年衍卦占之邊警得無動乎復乃尅以西邊當用兵推其日月後無少差慶曆初與郭京俱召見帝問天時人事復對以京房易口推之今年所配年月日時當小過也剛失位而不中其在強君德乎帝稱善又問明年主何卦對曰乾卦用事說盡九五而止除大理寺評事張炳字明叔浦城人少有奇疾在太學師事蜀士

建寧府志

卷之三十九

方伎

二

二百九十二

昇

史載之極醫之妙及歸推心究物無問貴賤有謁必往視之全活甚多嗜學能文老而不倦同郡魏揆之稱爲太古遺民歷任蘄州簿豐州錄事參軍卒年九十一

劉伯桓一名元伯崇安人韜六世孫天資淳樸常□□遇異人授以岐黃之術自是病者求治無不全活

元

劉畝字和中甌寧人韜九世孫自號和齊業醫而

精性樂施與病者與之藥貧者施之棺人感其德卒之日無不泣下者

明

許宏字宗道建安人幼業儒而隱於醫竒症異疾醫之輒効又工詩文寫山水花卉皆臻其妙卒年八十一所著醫方有通元錄詩有南窓草錄行世

雷伯宗名勲以字行建安人幼讀書明醫尤精干小兒科洪武間授醫學正科卒年八十四著有

建寧府志

卷之三十九

方伎

三

二百七十一
昇

千金寶鑑得其旨者用之輒効子野僧亦明醫爲鄭府良醫

楊量字子充建安人少爲諸生有聲嬰疾臥榻三年遂攻醫精熟方脉確有竒見卒年八十五雷時中伯宗裔孫善易學及岐黃諸書醫能竒中貧者暮夜叩之必攝衣往酬以錢則辭蓋醫隱者也

雷鯉字白波建安人寫山水花草老筆蒼然善詩工篆隸嘗遊攝山有天風醉花鳥之句極爲鍾

伯敬所賞

鄒福字魯濟甌寧人業醫善察脈決人生死於數載前竒症人不治者福投劑輒愈嘗曰病知其源則治症不泛藥劑不多品舉其要斯効速矣嘗集經驗良方十卷仲子遜克世其業季子員領鄉薦任連山知縣

趙希抃字宋卿甌寧人家貧尚氣節工繪畫彷彿沈周尤善鼓琴長於詩嘗題水簾洞曰散垂白髮三千丈亂舞狂風懶自梳詞林莫不稱賞

建寧府志

卷之三十九

方伎

四

二百八十四
昇

林一清字源潔甌寧人善繪事筆法蒼古年八十餘信手揮染無不妙絕

黃錦字子綱甌寧人祖世德太醫院判授秘術錦學而精之治傷寒痘疹尤有竒効

葉汝楠字子林甌寧人精岐黃術痘疹一科全活甚多

潘承秀字君實甌寧人七歲孤產業讓叔叔死仍撫其子治醫藥極精多起死功

熊宗立別號道軒建陽人從劉剡學道陰陽醫卜

之術註解天元雪心二賦金精鰲極難經脉□
□書撰藥性賦補遺及集婦人良方行世

王祐字彥貞建陽人性資邁雅尚文學所交皆一時才俊尤善草隸吟咏并墨竹及陰陽地理之術精妙號主石道人

程伯昌建陽人善醫授雷霆秘訣祈禱大驗尤妙催生法好象棋終日不釋有急叩之者隨以一棋子令持去胎卽下一日遇乞者貌甚惡昌教市童呼之千年不死鬼乞者罵曰饒舌哉雷部

建寧府志

卷之三十九

方伎

五

判官精蓋其降世云

蘇垚字公載建陽人讀書好禮不干仕進精醫施藥歲歉周急鄉里稱焉

詹林能字必泰浦城人工繪事天順間召人京授文思院副使直仁智殿丁內艱歸卒於家

陳子和浦城人性倜儻不事家人產嗜酒善畫酣後縱筆爲山水花草人物翎毛皆稱絕

黃至字誠甫浦城人性孝友尤樂施子少治儒已棄去精醫歲大疫死者載道捐貲施藥藉以全

活者千百計仲子秉鍵傳其術摘平日竒中者
爲醫案享年六十忽進諸朋輩於前作偈曰浩
氣無虧缺幻軀有生滅乘化還太虛皎皎秋空
月飄然長逝

李守道字存吾浦城人少治壁經不得志讀元化
傳撫案太息獄吏畏法不敢受遺書曷不受吳
普樊阿僅爲五禽之戲耶日仰臥帳中繹素問
靈樞之旨久之悟診療不出陰陽試輒驗有中
痰癇症者殊恠諸醫環視技皆窮道手捫其腕
曰疾易耳令俯首砌艾灸顱後口銜刀圭少許
隨哺以糜病尋愈尤善療貧兒謂若輩何從得
咬咀每出門輿前擁泣罄籠不取直貧者藉全
活多詣門加額頌祝以去

吳應字允吉政和人太學生能詩又工篆隸菝林
負名